

OBOSNAIHERCEGOVINAFEDERACI
 JA BOSNE I HERCEGOVINE
 ZENIČKO-DOBOJSKI KANTON
 GRADZAVIDOVIĆI



Privredni savjet Grada Zavidovići
 Broj: 02/1-04-2190/24-AP-4
 Datum: 10.12.2024. godine

Na osnovu člana 13. Poslovnika o radu Privrednog savjeta Općine Zavidovići, broj: 02-05-1818/17 -AP-12 od 30.06.2017. godine i broj: 02-04-29/21-AP-25 od 27.04.2021. god., na 1. sjednici Privrednog savjeta Grada Zavidovići, koja je održana 09.12.2024. godine u Velikoj sali zgrade Grada Zavidovići sa početkom u 16:00 sati, sastavljam

ZAPISNIK

Na sjednici Privrednog savjeta prisutni su: Sabahudin Horozović, Mirela Bašić, Alen Jusupović, Enesa Bukvić, Džeraldina Miličević, Erna Merdić Smailhodžić, Samir Šibonjić, Ernad Ridžal, Marcel Slišković, Kasim Begić, Adnan Turić, Fehim Tuzlić, Benjamin Mujanović.

Ostali prisutni: Remzo Sinanović.

Na sjednici Privrednog savjeta nisu prisutni: Ajdin Polić, Kasim Fazlić, Amir Omerašević, Rasim Mrkonjić, Birnas Parić.

Zapisnik vodila tehnički sekretar: Merima Bašić, a pristuna je bila i Aida Husić Mujanović (novoimenovani tehnički sekretar).

Konstatuje se da je na sjednici prisutno 13 članova Privrednog savjeta od ukupno 18 članova.

Konstatuje se da je prisutan potreban broj članova Privrednog savjeta da bi se moglo punovažno raspravljati i odlučivati, kako je propisano članom 7. Poslovnika o radu Privrednog savjeta.

Predsjednica Privrednog savjeta Erna Merdić Smailhodžić predlaže sljedeći dnevni red:

- 1) Rješenje o imenovanju Privrednog savjeta Grada Zavidovići,
- 2) Status zaključaka donesenih na sjednicama Privrednog savjeta Grada Zavidovići,
- 3) Prijedlog Pravilnika o postupku čuvanja, smještaja i načinu postupanja sa privremeno i trajno oduzetim predmetom prekršaja (izvjestilac: Izet Bašić-pomoćnik gradonačelnice),
- 4) Prijedlog Odluke o izmjenama i dopunama Odluke o komunalnom redu (izvjestilac: Izet Bašić-pomoćnik gradonačelnice),
- 5) Nacrt Odluke o utvrđivanju vrijednosti boda komunalne nakande za 2025. godinu (izvjestilac: Izet Bašić-pomoćnik gradonačelnice),
- 6) Prijedlog Odluke o zaštiti izvorišta „Izron“ i „Tajašnica“ sa Elaboratom o zaštiti izvorišta vode za piće „Izron“ i „Tajašnica“ Grada Zavidovići (Izet Bašić-pomoćnik gradonačelnice),

- 7) Nacrt Odluke o proceduri zaključivanja nagodbi, poravnanja ili sporazuma u postupcima medijacije (izvjestilac: Nijaz Karahasanović-gradski pravobranioac),
- 8) Prijedlog Odluke o izmjeni i dopuni Odluke o utvrđivanju naziva ulica, trgova, mostova i drugih građevina (izvjestilac: Remzo Sinanović-pomoćnik gradonačelnice),
- 9) Prijedlog Odluke o načinu i uslovima javne prodaje nekretnina u vlasništvu Grada Zavidovići (izvjestilac: Remzo Sinanović-pomoćnik gradonačelnice),
- 10) Prijedlog Odluke o neposrednoj zamjeni nekretnina između Grada Zavidovići i Turković Rifeta (izvjestilac: Remzo Sinanović-pomoćnik gradonačelnice),
- 11) Razno.

Dnevni red se stavlja na diskusiju i pozivaju se članovi Privrednog savjeta da predlože izmjene ili dopune predloženog dnevnog reda.

Prijedlog za izmjenu dnevnog reda se usvaja jednoglasno i prelazi se na rad po istom.

Ad.1. Rješenje o imenovanju Privrednog savjeta Grada Zavidovići;

Izvjestilac predsjednica Privrednog savjeta Erna Merdić Samilhodžić iznosi pojašnjenja i dodatne informacije po ovoj tački dnevnog reda. Navodi da je ovim rješenjem imenovana većina članova Privrednog savjeta iz privatnog sektora.

Diskusije nije bilo.

Zaključak: Prihvata se Rješenje o imenovanju Privrednog savjeta Grada Zavidovići.

Zaključak je usvojen jednoglasno.

Ad.2. Status zaključaka donesenih na sjednicama Privrednog savjeta Grada Zavidovići;

Izvjestilac Džeraldina Miličević iznosi pojašnjenja i dodatne informacije po ovoj tački dnevnog reda. Navodi da poticaji u privredi nisu realizovani u tekućoj godini i da će se predložena mjera BIZNIS + realizovati i planirati za implementaciju za 2025. godinu. Dalje, navodi da nije realizovan usvojeni zaključak o uvođenju besplatne telefonske linije za prijavu rada bez dozvola-neregistrovane djelatnosti. Pribavljene su sve dozvole i zahtjev je upućen BH Telecomu koji još nisu realizovali.

U diskusiji su učestovali:

Benjamin Mujanović: navodi da uvođenje besplatnog broja za prijavu neregistrovane djelatnosti nema svrhu, jer se ne može direktno prijaviti rad na „crno“, jer se na ovaj način prijavljuju gradskoj upravi, a ne nadležnim organima.

Sabahudin Horozović: navodi da sve veći broj mladih koristi sredstva kantonalnih poticaja i da bi bilo korisno da se još dodatno sufinansiraju 12 ili 6 mjeseci za refundiranje troškova doprinosa.

Džeraldina Miličević: navodi da bi samo djelimično mogli da se sufinansiraju poduzetnici, obzirom da postoje i druge mjere podrške kao što su sufinansiranje zakupa, stalnih sredstava; al bi mogli ograničiti program i dodjelu sredstva samo za one koji nisu dobijali sredstava drugih programa kao što su Impakt, Mozaik, LIR CD.

Alen Jusupović: konstatuje da bi trebalo da se ograniči dodjela sredstava-refundiranje troškova za nabavku opreme, na mlade do 35. godine - START-UP-e, i to bi bilo mjerljivo.

Samir Šibonjić: navodi da se ne smije više dogoditi da se ne dodjelju sredstva privrednicima kroz poticaje i treba pripremiti program kada se bude jasno znalo koliko sredstava imamo na raspolaganju.

Džeraldina Miličević: navodi da se može ići i na promjenu koncepta, i da se ciljano ide na mjere i da se više sredstava dodijeli ciljano, a ne da se ide na masovnost. Dalje, navodi da je situacija ista i za poticaje u poljoprivredi, da se mali iznosi dodjeljuju, a ide se na masovnost.

Benjamin Mujanović: predlaže da se vide rezultati koji su napravljeni dodjeljivanjem tih sredstava, i da se analiziraju efekti.

Predsjednica Privrednog savjeta Erna Merdić Smahodžić predlaže da se donese zaključak da se za sljedeću sjednicu pripreme izvještaji-analize dodijeljenih sredstava poticaja u privredi i poljoprivredi.

Enesa Bukvić: navodi da su se za poticaje prijavljivali manji obrtnici-npr.frizerski saloni kojima su se refundirala sredstva za nabavku opreme i sl.

Ernad Ridžal: navodi da je potrebno napraviti kriterije koji će podstaći privrednike da napreduju.

Samir Šibonjić: predlaže da se sufinansiraju kamatne stope i da se ide u pregovore sa bankama, jer bi ta mjera donijela najviše efekta.

Zaključak: Zadužuju se nadležne službe da pripreme izvještaje o dodjeljenim sredstavima poticaja u privredni i poljoprivredi (prethodni period 2023. godina).

Zaključak je usvojen jednoglasno.

Ad.3. Prijedlog Pravilnika o postupku čuvanja, smještaja i načinu postupanja sa privremeno i trajno oduzetim predmetom prekršaja;

Predsjednica Privrednog savjeta Erna Merdić Smahodžić izlaže da se navedeni pravilnik odnosi na rješavanje primarno pijaca koje se prave u gradu, a odnose se na romsku populaciju.

Predsjednica Privrednog savjeta otvara diskusiju po ovoj tački dnevnog reda.

Benjamin Mujanović: navodi da nema smisla da se i voće i cvijeće prodaje po cesti i da se jednom odlukom sve to uredi i da se ne dozvoljava prodaja mimo fiskalizacije; dalje konstatuje da općina daje dozvolu da se pravi ruglo u gradu i da treba da se zaštite ljudi koji su registrovani za te djelatnosti i to rade cijele godine.

Džeraldina Miličević: predlaže da se pripremi Plan zauzimanja javnih površina na razmatranje na sjednici Privrednog savjeta.

Zaključak: Privredni savjet prihvata Prijedlog Pravilnika o postupku čuvanja smještaja i načinu postupanja sa privremeno i trajno oduzetim predmetom prekršaj.

Zadužuje se nadležna služba da pripremi Plan zauzimanja javnih površina koji će se razmatrati na sljedećoj sjednici Privrednog savjeta.

Zaključak je usvojen jednoglasno.

Ad.4. Nacrt Odluke o utvrđivanju vrijednosti boda komunalne nakande za 2025. godinu; (raspravljana tačka dnevnog reda broj AD.5);

Predsjednica Privrednog savjeta Erna Merdić Smahodžić navodi da se predmetna tačka

dnevnog reda neće razmatrati na sjednici Gadskog vijeća jer nije riješena naplata naknade za cijelu teritoriju grada, jer ova odluka nije rješavanje problema, tj. da se od komunalne naknade plaća struja u ruralnom području.

Predsjednica Privrednog savjeta otvara diskusiju po ovoj tački dnevnog reda.

Ernad Ridžal: da li se komunalna naknada odnosi na odvoz smeća?

Predsjednica Privrednog savjeta Erna Merdić Smaihodžić navodi da komunalnu naknadu plaćaju ljudi iz urbanog dijela, a od komunalne naknade mi plaćamo zimsko održavanje, košenje, komunalnu higijenu, cvijeće. Međutim, velika je potrošnja električne energije i na selima nemaju održavanje javne rasvjete i mi za njih plaćamo struju i mi trebamo da zbog toga povećamo bod komunalne naknade, ali u urbanom dijelu nećete dobiti bolju uslugu pranja ulici i sl. Smatram da i oni na selima trebaju da plaćaju komunalnu naknadu za pružanje određenih usluga. Treba da se napravi funkcionalna sistem, ako treba da se povećava naknada, svima treba da se povećava, ali da dobijemo i usluge za to.

U diskusiju su učestvovali: Benjamin Mujanović, Džeraldina Miličević i Samir Šibonjić.

Nije donešen poseban zaključak po predmetnoj tački dnevnog reda.

Ad.5. Prijedlog Odluke o izmjenama i dopunama Odluke o komunalnom redu; (raspravljana tačka dnevnog reda broj AD.4);

Izvjestilac Džeraldina Miličević navodi da su određene oblasti izbrisane iz odluke, inspekcije se nisu mogle dogovoriti ko je nadležan za prljanje kolovoza građevinskim mašinama, zauzimanje javnih površina postavljanjem skela prilikom građenja i ta odlast je izbrisana, uređenje fasada i to se nije dogovorilo ko to treba da vrši kontrolu nad izgledom izloga i sl. i da je previše oblasti izostavljeno ovom odlukom.

Predsjednica privrednog savjeta vraća odluku na doradu.

Prijedlog odluke nije dodatno razmatran.

Ad.6. Prijedlog Odluke o zaštiti izvorišta „Izron“ i „Tajašnica“ sa Eloboratom o zaštiti izvorišta vode za piće „Izron“ i „Tajašnica“ Grada Zavidovići;

Izvjestilac Džeraldina Miličević u uvodnom obraćanju iznosi pojašnjenja i dodatne informacije po ovoj tački dnevnog reda.

Prijedlog odluke nije dodatno razmatran, niti je donošen zaključak.

Ad.7. Nacrt Odluke o proceduri zaključivanja nagodbi, poravnanja ili sporazuma u postupcima medijacije;

Predsjednica privrednog savjeta konstatuje da je ova tačka dnevnog reda povučena i vraćena na doradu.

Prijedlog odluke nije dodatno razmatran, niti je donošen zaključak.

Ad.8. Prijedlog Odluke o izmjeni i dopuni Odluke o utvrđivanju naziva ulica, trgova, mostova i drugih građevina;

Izvjestilac Remzo Sinanović u uvodnom obraćanju iznosi pojašnjenja i dodatne informacije po ovoj tački dnevnog reda i navodi da su izmjene izvršene po inicijativama vijećnika koje su prihvaćene od strane vijećnika; da je bio samo jedan učesnik javne rasprave.

Predsjednica privrednog savjeta otvara diskusiju po ovoj tački dnevnog reda i navodi da je problematika što ne postoji prostorno-planska dokumentacija, Prostornim plan je jedini koji je na snazi i jedan od razloga za donošenje odluke je i donošenje adresara ulica; navedena odluka je puštena da ide na sjednicu Gradskog vijeća i potrebno je da se riješi ova problematika.

U diskusiji je učestvovao:

Benjamin Mujanović: predlaže da se ulice obilježavaju jedinstvenim oznakama po brojevima, da ne dolazi do situacije da se ne može dogovoriti oko naziva ulice.

Zaključak: Prihvata se Prijedlog Odluke o izmjeni i dopuni Odluke o utvrđivanju naziva ulica, trgova, mostova i drugih građevina.

Zaključak je usvojen jednoglasno.

Ad.9. Prijedlog Odluke o načinu i uslovima javne prodaje nekretnina u vlasništvu Grada Zavidovići;

Predsjednica privrednog savjeta navodi da treba imenovati Savjet plana, jer nemamo prostorno-planske dokumentacije i bit će nam obaveza da imamo Savjet plana i da treba uključiti struku, privrednike i sl. Urbanistički plan se donosi na 20 godine; sve navedeno se veže i za prodaje nekretnina; da se ne dozvoli da se prepíše urbanistički plan od 98. godine i potrebno je da vidimo kako mi zamišljamo urbani dio grada.

Džeraldina Miličević: predlaže da se održi tematska sjednica vezana za urbanističke planove.

Benjamin Mujanović: predlaže da urbanisti i arhitekti naprave svoje planove, pa da se tek onda raspravlja o tome. Parking mjesta su nam problem oko izgrađenih zgrada, prostor oko Inženjeringa i sl. Potrebno je da struka napravi svoje odluke, a onda mi da se uključimo sa svojim idejama.

U diskusiji učešće uzeli: Samir Šibonjić, Ernad Ridžal i Mirela Bašić.

Zaključak: Članovi Privrednog savjeta Ernad Ridžal i Benjamin Mujanović se imenuju u Savjet plana Grada Zavidovići ispred Privrednog savjeta Grada Zavidovići.

Zaključak je usvojen jednoglasno.

Ad.10. Prijedlog Odluke o neposrednoj zamjeni nekretnina između Grada Zavidovići i Turković Rifeta;

Izvjestilac Remzo Sinanović u uvodnom obraćanju iznosi pojašnjenja i dodatne informacije po ovoj tački dnevnog reda.

Prijedlog odluke nije dodatno razmatran, niti je donošen zaključak.

Ad.11. Razno;

Predsjednica privrednog savjeta otvara diskusiju po ovoj tački dnevnog reda.

U diskusiji učestvovao:

Samir Šibonjić: predlaže da se pozovu privrednici koji prave promet preko milion KM, a kojih u Zavidovićima ima 39. i da se oformi inicijalni odbor i da se napravi Udruženje Privrednika Grada Zavidovići.

Predsjednica privrednog savjeta konstatuje da bi osnivanje udruženja imalo mnogo benefita; da veće firme budu uključene i da ponesu teret, a da im se pridruže manji privrednici i obrtnici i da se udruženje oformi po modelu Tešnja; srednja generacija da bude u upravnom

odboru, a stariji privrednici da budu u nadzornom odboru i da udruženje ima zaposlenika. Predlaže navedenu ideju članovima Privrednog savjeta uz organizovanje prvog sastanak.

Enesa Bukvić: navodi da je udruženje koje je sada registrovano samo udruženje na papiru, mi smo preuzeli funkcije, ali da se sazove skupština, međutim nije se ništa dešavalo, niti organizovalo.

Samir Šibonjić: konstatuje da će raditi po modelu Tešnja i da imaju svu dokumentaciju koju mogu koristiti; i trebali bi odrediti 3 ili 4 osobe koje će biti inicijalni odbor koje će sazvati prvi sastanak; da se pripreme svi uvjeti, ko će biti sekretar udruženja, da se odredi kancelarija i sl.

Predsjednica privrednog savjeta predlaže lica koja će biti odgovorna za organizovanje prvog sastanka, koji bi se mogao organizovati na Golf terenima i to: Erna Merdić Smailhodžić, Samir Šibonjić i Benjamin Mujanović.

Sjednica završena u 17:50 sati.

Zapisničar


Merima Bašić Saletović

ZAPISNIK OVJERAVA
PREDSJEDNICA PRIVREDNOG SAVJETA


mr.iur. Erna Merdić Smailhodžić

BOSNA I HERCEGOVINA
FEDERACIJA BOSNE I
HERCEGOVINE
ZENIČKO- DOBOJSKI KANTON
GRAD ZAVIDOVIĆI
Privredni savjet Grada Zavidovići
Broj: 02/1-04-2190/24-AP-5
Datum: 10.12.2024. godine



Na osnovu člana 11. Poslovnika o radu Privrednog savjeta općine Zavidovići broj: 02-05-1818/17-AP-12 od 30.06.2017. godine i broj: 02-04-29/21-AP-25 od 27.04.2021. god., na 1. sjednici Privrednog savjeta Grada Zavidovići, koja je održana 09.12.2024. godine u gradskoj upravu Grada Zavidovići u Velikoj Sali gradske uprave Grada zavidovići sa početkom u 16:00 sati, Privredni savjet Grada Zavidovići, donosi

ZAKLJUČAK

I

Prihvata se Rješenje o imenovanju Privrednog savjeta Grada Zavidovići, broj: 02/1-04-2190/24-AP-1 od 02.12.2024. godine.

II

Prihvata se Status zaključaka donesenih na sjednicama Privrednog savjeta Grada Zavidovići, broj: 02/1-04-2190/24-AP-2 od 02.12.2024. godine.

III

Zadužuju se nadležne službe da za sljedeću sjednicu Privrednog savjeta pripreme izvještaje o dodjeljenim sredstavima poticaja u privredni i poljoprivredi (prethodni period 2023. godina).

IV

Prihvata se Prijedlog Pravilnika o postupku čuvanja smještaja i načinu postupanja sa privremeno i trajno oduzetim predmetom prekršaj.

Zadužuje se nadležna služba da pripremi Plan zauzimanja javnih površina koji će se razmatrati na sljedećoj sjednici Privrednog savjeta.

V

Predsjednica Privrednog savjeta vraća Prijedlog Odluke o izmjenama i dopunama Odluke o komunalnom redu na doradu.

VI

Prihvata se Prijedlog Odluke o izmjeni i dopuni Odluke o utvrđivanju naziva ulica, trgova, mostova i drugih građevina.

VII

Članovi Privrednog savjeta Ernad Ridžal i Benjamin Mujanović se imenuju u Savjet plana Grada Zavidovići ispred Privrednog savjeta Grada Zavidovići.

PREDSJEDNICA PRIVREDNOG SAVJETA

mr.iur. Erna Merdić Smailhodžić

Dostavljeno:

1. Članovima Privrednog savjeta

